



13. juli 2009

Inatsisartut suleriaasiani § 36, imm. 1 naapertorlugu, Naalakkersuisunut tulluiuttutut apeqquteqaa-teqarpunga:

Inatsisartut suleriaasianni § 36, imm. 2 naapertorlugu Naalakkersuisunut apeqqut:

Inatsisartut siulittaasuata angerlarsimaffiani ikiaroonartumik nassaartoqarnerata kingornatigut inuiaqatigiillu ikiaroonartooq pillugu oqallittareernerisigut, qinikkat Naalakkersuisunilu ilaasortat tamarmiusut ikiaroonartumik atuisuunnginnerat qulakkeerniarlugu Naalakkersuisut iliuuseqalersaarpat?

(Inatsisartunut ilaasortaq Doris Jakobsen, Siumut)

Siumumi akuersaarsinnaanngilluinnarparput Inatsisartut akornanni ikiaroonartumik atuisoqartarsimassappat minnerunngitsumik akuersaarsinnaanngilluinnarparput Inatsisartut siulittaasuata ikiaroonartumut pasillerneqarluni issiavimmini issiatitaaginnarnera.

Siumumi isumaqarpugut ulluni kingullerni ikiaroonartooq pillugu oqallinnermi inuiaqatigiinnilu aalassassimaartoqarnera toqqissisimanissamut saatinneqassappat, qinikkat tamarmik ikiaroonartumik atuisuunersut sukumiisumik misissuiffigineqartariaqartut, tassami tamatta nalunngilarput ikiaroonartumik tigumiarneq inatsisinik unioqqutitsinerusoq qinikkanilu atugarineqarsimappat tamanna akuerineqarsinnaanngitsoq.

Tamanna tunngavigalugu Siumumiit apeqquteqaatigissavarput, Inatsisartuni ilaasortat tamarmiusut ikiaroonartumik atuisuunnginnerat qulakkeerniarlugu Naalakkersuisut iliuuseqalersaarnersut?

Isumaqaratta inuiaqatigiit qinikkaminnut tatiginnileqqissappata qinikkat ikiaroonartumik atuisuunnginnerat qulakkeerniarlugu misissueqqissaarnissaq avaqqunneqarsinnaanngitsoq.

Siumumiit ilisimatitsissutigeriissavarput ukiamut Inatsisartut ataatsimiinnissaannut qinikkat tamarmik ikiaroonartumik atuisuunnginnerat qulakkeerniarlugu misissuiffigineqartalernissaat siunnersuutigissagatsigu.